



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno MCXVIII. ad annum MCLXXIX.

Parisiis, 1644

III. Filius canonici, etiam maculas in oculo habens, potest in episcopum
eligi & ordinari.

urn:nbn:de:hbz:466:1-15588

neantur ecclesiis & propriis personis deferuire, alienum est ab ordine iuris, vt vicariam habeat quis præter vnã.

ANNO
CHRISTI
1179.

PARS XL. DE ELECTIONIBVS
ET ELECTORVM POTESTATE.

CAP. I.

Idem Exoniensi episcopo.*

NOSTI sicut vir prudens & sapiens, quomodo dilectus filius noster G. dictus Lincolniensis electus, committendi honores vel præbendam, & alia disponendi de rebus ecclesiæ, cum sua nondum sit electio confirmata, nullam habeat facultatem. Inde est, quod fraternitati tuæ, &c. quatenus eidem dicto electo ex nostra parte non differas arctius inhibere, ne archidiaconatum alicui conferre præsumat, vel si iam concessit, ei auctoritate nostra præcipias, vt concessionem suam, omni contradictione & appellatione cessante, studeat reuocare. Quod si distulerit, tu eandem concessionem, appellationis remoto remedio, auctoritate nostra non differas reuocare.

CAP. II.

*Idem I. basilicæ 12. apostolorum presbytero cardinali,
apostolicæ sedis legato.*

Quod diligentia tua per dilectum filium nostrum H. S. a nobis requisivit, an electio electi, qui nuper abiurato schismate, ad vnitatem ecclesiæ & nostram deuotionem rediit, confirmari debeat, id tibi duximus respondendum, quod si ab schismatico nullum ordinem suscepit, & eius electio vnanimiter & concorditer secundum ordinem Canonum facta fuerit, dummodo alia ratio non impediatur, confirmationem tuam ratam habemus, mandantes, vt eum facias a catholicis episcopis suffraganeis Aquileiensis ecclesiæ in episcopum ordinari, salua tamen iustitia debita & reuerentia, eiusdem ecclesiæ, cum ad catholicam redierit vnitatem.

CAP. III. *Item* Cicestrensi episcopo.*

Cum de tua & aliorum electione, qui sunt in quibusdam

ANNO
CHRISTI
1179.

ecclesiis Anglicanis electi, in nostra presentia & fratrum
quæstio mota fuisset, & singulis vestrum quædam obiicerentur, tibi obiectum est, quod in oculo maculam habeas, & quod canonici filius sis: attendentes prudentiam & honestatem tuam, & volentes te nomine gratiæ ac dilectionis prerogatiua gaudere, venerabili fratri nostro Cantuariensi archiepiscopo apostolicæ sedis legato dedimus in mandatis, vt pro eo quod canonici filius diceris fuisset, in promotione tua ex multa dispensatione procedere non postponat; de macula vero quam in oculo habere diceris, hoc prædicto archiepiscopo mandauimus, vt * in quo suffraganeorum suorum, & præsertim venerabilium nostrorum fratrum * Exoniensis & Vigorniensis episcoporum examini visum fuerit, sic exequatur. Tu vero eundem archiepiscopum super his inquirere studeas humiliter ac deuote, quia nos tibi ex magna dispensatione in hac parte curauimus sollicitè prouidere, vt personam tuam sincera caritate diligimus, & quantum secundum Deum possumus, libenter ad tuum intendimus commodum & honorem.

*secundum quod

CAP. IV.

Item Lucius tertius Turonensi archiepiscopo.

*secræta

Presbyter cardinalis * sua nobis insinuatione monstrauit, quod cum fuisses ad ecclesiæ tuæ regimen de voluntate maioris & sanioris partis fratrum electus, quia paucis contradicentibus non valebas debita pace gaudere: quidam amicus de conscientia tua & voluntate, perturbata tamen, ei qui magister discordiæ videbatur, certæ quantitatis munus exsoluit: & sic, quam prius sustinebas, contradictio quieuit. Nunc autem dubitas, quod non sis simoniæ prorsus immunis, donec in administratione volueris remanere. Quia igitur per iam dictum cardinalem apostolicæ sedis consilium quæstiuisti, præsentium tibi significatione monstramus, quod multum tibi consulis, si administrationem prædictam celeriter & sponte dimittis, euangelici verbi memor existens: *Nil prodest homini si vniuersum mundum lucretur, animæ vero suæ detrimentum patiatur.*

Matth. 16.
Marc. 8.